

18.03.2020.

Razmatrana problematika privrednih subjekta na području BPK Goražde



Jedna od mjera Ministarstva za privredu BPK Goražde je da se svim privrednim subjektima na području kantona pošalje anketni upitnik s ciljem dobivanja informacija o trenutnom poslovanju, uvozu roba, izvozu gotovih proizvoda, kao i informacije o daljem poslovanju, sa akcentom na obim proizvodnje i njenu održivost u narednom periodu.

S tim u vezi, na današnjoj sjednici razgovarano je o problematici s kojom se susreću privredni subjekti na području našeg kantona.

S obzirom da su privredni subjekti s prostora BPK Goražde više od pedeset posto izvezno orjentisani u druge evropske zemlje, prema podacima sa kojima se raspolaže, stanje u privredi BPK Goražde nije posebno alarmantno kada je u pitanju izvoz i uvoz roba.



„U cilju eventualnog rješavanja problema u nekim od privrednih subjekata, Vlada BPK Goražde i Ministarstvo za privredu će poduzimati određene mjere kroz programe u skladu sa finansijskim sredstvima u budžetu BPK Goražde za 2020.godinu. Cilj ministarstva i ove Vlade jeste da zadržimo postojeće uposlene u tim privrednim subjektima na prostoru BPK Goražde, a u narednom periodu očekujemo sjednicu Federalne vlade na kojoj će biti usvojen niz zaključaka kako da pomognemo ekonomiju na prostoru čitave države BiH, Federacije pa tako i kantona. Svjesni smo činjenice da nećemo moći sve to podnijeti i sigurno će nam trebati pomoć drugih nivoa vlasti. Razgovarano je i o protoku roba na određene rute, gdje kamionski saobraćaj ide određenim rutama i u druge zemlje u regionu, tako da što se tiče uvoza roba možemo reći da nije zatvoren kanton i da nema smetnji za ulaz i izlaz kamiona iz BPK”-riječi su ministra za privredu BPK Goražde Mensada Arnauta.

Predstavnici Udruženja poslodavaca BPK Goražde u Ekonomsko-socijalnom vijeću BPK Goražde predložili su Vladi BPK Goražde i Ministarstvu za privredu BPK Goražde niz konkretnih mjera za prevazilaženje krize izazvane koronavirusom.

Između ostalog predloženo je:

- Formiranje kompenzacionog fonda iz budžeta kantona i drugim domaćih i stranih sredstava za refundiranje nastalih troškova
- Hitno donšenje moratorija za pravna i fizička lica za otplatu kredita, posebno sa BBI bankom za privredne subjekte sa kojom već ima potpisan sporazum
- Smanjenje i odlaganje plaćanje komunalnih usluga za vrijeme trajanja pandemije i vanrednog stanja
- Smanjenje i odlaganje troškova plaćanja najma poslovnih prostora i komunalnih taksi
- Definisanje parafiskalnih nameta na području BPK Goražde koji bi se smanjili ili ukinuli za vrijeme vanrednih okolnosti
- Smanjenje cijene ili odgađanje plaćanja troškova energije